

REGULAMENTO

ÍNDICE

ORGANIZACIÓN	2
Art. 1. ORGANIZACIÓN	2
CIRCUÍTO E CATEGORÍAS	2
Art. 2. CIRCUÍTO.....	2
Art. 3. CATEGORÍAS	3
Art. 4. INSCRICIÓN S	5
Art. 5. COTAS E CHIP	6
Art.6. DORSAIS.....	8
DESCUALIFICACIÓN S E RECLAMACIÓN S.....	8
Art. 7. DESCUALIFICACIÓN S.....	8
Art. 8. RECLAMACIÓN S.....	9
CLASIFICACIÓN S E PREMIOS.....	9
Art. 9. CLASIFICACIÓN S DO CIRCUÍTO	9
Art.10. PREMIOS.....	12
CONDICIÓN S XERAIS, PUBLICIDADE E INFORMACIÓN	13
Art. 11 CONDICIÓN S XERAIS.....	13
Art. 12. PUBLICIDADE E INFORMACIÓN	15
Art. 13. CORUÑA CORRE E COVID19.....	15
ANEXO I. ALMANAQUE DE CARREIRAS 2022.....	16

ORGANIZACIÓN

Art. 1. ORGANIZACIÓN

O *Circuíto Coruña Corre* está organizado polo Servizo Municipal de Deportes do Concello da Coruña coa colaboración dos clubs de atletismo da cidade e distintas entidades veciñais, baixo a normativa da Federación Galega de Atletismo (FGA).

O *Comité Organizador* constituirase antes da primeira carreira.

CIRCUÍTO E CATEGORÍAS

Art. 2. CIRCUÍTO

O VIII Circuíto Coruña Corre **iniciarase o 23 de xaneiro de 2022**, coa VI Carreira Popular de Matogrande, e **finalizará o 27 de novembro de 2022**, coa XI Carreira Popular de Novo Mesoiro.

Está composto por un total de **7 carreiras** (Ver Anexo I):

CARRERA	FECHA
VI CARREIRA POPULAR MATOGRANDE	23/01/2022
XI CARREIRA POPULAR TORRE DE HÉRCULES. #QUERÉMONOS VIVAS	26/03/2022
XIV BAIXADA POPULAR DE CROSS SAN PEDRO DE VISMA	08/05/2022
X CARREIRA POPULAR OS ROSALES	22/05/2022
X CARREIRA POPULAR VOLTA A OZA	11/09/2022
IX CARREIRA POPULAR VENTORRILLO	23/10/2022
XI CARREIRA POPULAR NOVO MESOIRO	27/11/2022
<i>GALA IX CIRCUÍTO CORUÑA CORRE</i>	<i>15/12/2022</i>

As distancias a percorrer, en cada caso, serán controladas e cronometradas polos/as xuíces/as que designe a Organización, utilizando, en calquera caso, un sistema de cronometraxe electrónica.

Publicarase en cada carreira o circuíto a percorrer para cada unha das categorías, ademais das características básicas do trazado e tipos de firme polos que transcorre cada un.

Os únicos vehículos que poderán seguir as probas serán os designados pola Organización.

A organización do Circuito resérvase o dereito de modificar os percorridos por causas de forza maior, así como de adiar ou suspender a organización dalgunha proba, sen que exista dereito a reclamar ningunha compensación, parcial nin total, por parte das persoas rexistradas, agás que a suspensión afecte a máis do 50% do total de probas que integran o Circuito.

Art. 3. CATEGORÍAS

Establécense as mesmas categorías segundo regulamentos IAAF, RFEA, FGA e, promocionalmente, engádesse a categoría Peques.

CATEGORÍAS MAIORES DE 18 AÑOS TEMPADA 2022	
Sub 20	Nados/as en 2003 e 2004
Sub 23	Nados/as en 2000, 2001 e 2002
Sénior	Nados/as desde 1999 ata 34 anos
Máster 1	De 35 a 39 anos cumpridos o día da primeira carreira do Circuito
Máster 2	De 40 a 44 anos cumpridos o día da primeira carreira do Circuito
Máster 3	De 45 a 49 anos cumpridos o día da primeira carreira do Circuito
Máster 4	De 50 a 54 anos cumpridos o día da primeira carreira do Circuito
Máster 5	De 55 a 59 anos cumpridos o día da primeira carreira do Circuito
Máster 6	De 60 a 64 anos cumpridos o día da primeira carreira do Circuito
Máster 7	A partir de 65 anos cumpridos o día da primeira carreira do Circuito
Atletas con discapacidade*:	Nados/as en 2000 e anos anteriores

Categorías Máster: competirán na que lle corresponda por idade cumprida no comezo da primeira carreira que conforma o Circuito, mantendo dita categoría ata a última proba. Quen se inscriba en calquera das carreiras do circuito acollerase a esta mesma regra, a fin de que todos/as participen en igualdade de condicións.

CATEGORÍAS MENORES DE 18 AÑOS TEMPADA 2022	
Sub 18	Nados/as nos anos 2005/2006 Que fan durante o ano 17 e 16 anos
Sub 16	Nados/as nos anos 2007/2008 Que fan durante o ano 15 e 14 anos
Sub 14	Nados/as nos anos 2009/2010 Que fan durante o ano 13 e 12 anos
Sub 12	Nados/as nos anos 2011/2012 Que fan durante o ano 11 e 10 anos
Sub 10	Nados/as nos anos 2013/2014 Que fan durante o ano 9 e 8 anos
Peques	Nados/as nos anos 2015 y posteriores Menores de 8 anos
Atletas con discapacidade*:	Nados/as no ano 2016 e anteriores

Establécense **tres modalidades para persoas con DISCAPACIDADE:**

- Atletas en cadeira de rodas que non teñan mecanismos nin engrenaxes que axuden á impulsión das mesmas. Tan só está permitido o impulso cos brazos sobre o aro adherido á roda. Non se permitirá o uso de handbike.
- Discapacidades visuais.
- Discapacidades intelectuais.

As persoas que queiran participar en calquera das categorías de discapacidade, terán que acreditar dita circunstancia (discapacidade física, psíquica ou sensorial igual ou superior ao 33% certificada) nos prazos de inscrición que estableza o Servizo Municipal de Deportes, enviando un correo electrónico a carreraspopulares@coruna.gal. A acreditación feita para o circuito será válida para todas as carreiras que integran o mesmo. En caso de non seguir este procedemento, a súa participación puntuará na categoría xeral.

Art. 4. INSCRICIÓNS

Poderán participar atletas populares e federados/as. A inscrición efectuarase a través da web www.coruna.gal/carreraspopulares.

O prazo para inscribirse no Circuito comezará desde a data de publicación das presentes Bases na web municipal, e rematará ás 23.59 h do domingo 1 de maio, data na que finaliza o prazo de inscrición para a 3ª carreira do Circuito, a XIV Baixada Popular de Cross San Pedro de Visma, que se celebra o 8 de maio de 2022.

Todas as persoas rexistradas no Circuito deberán confirmar a súa participación en cada unha das carreiras, para figurar na listaxe de participantes, puntuar nas clasificacións e contribuír así á seguridade, organización e unha mellor prestación de servizos. En caso de non confirmar a súa participación, non figurarán na listaxe de participantes da carreira, nin figurarán os seus tempos nin clasificacións.

O prazo para confirmar ou inscribirse en cada unha das carreiras finalizará ás 23.59 horas do domingo anterior á data de celebración de cada unha delas.

Para garantir a correcta aplicación do sistema de puntuación, é imprescindible a inscrición con DNI para todas as categorías, incluídas as categorías de menores, que permita a identificación de forma individual de cada participante, e poder atender as posibles incidencias que poidan producirse durante a celebración do Circuito, e/ou na celebración de cada unha das carreiras. É recomendable a inscrición con DNI tamén para os e as menores de 14 anos.

Para a categoría de Peques, o Comité Organizador resérvase o dereito de limitar estas inscricións se as razóns organizativas e de seguridade o requirisen.

Os/as menores de idade non federados/as deberán inscribirse co consentimento expreso do pai/nai e/ou titor/a. No suposto de menores de idade federados/as enténdese que a ficha federativa implica este consentimento.

INSCRICIÓNS POR EQUIPOS

Equipos Mixtos:

Para poder puntuar como Equipo Mixto deberán contar entre os seus integrantes tanto masculinos como femininos, cun total mínimo de 3 e un máximo de 4.

Defínense 2 tipos de equipos Mixtos.

- Equipos Mixtos Absoluto: equipos cuxos integrantes participan nas carreiras absolutas do circuito.
- Equipos Mixtos Menores: equipos cuxos integrantes participan nas categorías Sub16 e Sub18.

Familias:

Considérase unidade familiar a partir de 2 integrantes, e só a membros que se atopen na seguinte liña de parentesco: avós/ as, pais/nais, netos/as, irmáns/as, fillos/as e parella.

Centro Educativo:

Os rexistrados nas categorías de menores poden puntuar polo seu Centro Educativo na clasificación final do circuíto. Para iso é suficiente con que o participante seleccione o centro no formulario de inscrición.

A clasificación para o premio á modalidade de participación de Centros Educativos descríbese no art. 9. A participación nesta clasificación é independente do resto de equipos.

Art. 5. COTAS E CHIP

INSCRICIÓN A CIRCUÍTO		
Concepto	Maiores de 18 años en xeral	Persoas desempregadas, +65 anos ou Carné Xove
Cota	12,00 €	7,00 €
Chip	12,00 € *	12,00 € *
Total	24,00 € *	19,00 € *

Inscrición e chip para menores GRATUÍTA

** Inclúe fianza de 5 €, que será aboada ao finalizar a última carreira do circuíto previa devolución do chip*

INSCRICIÓN A CADA CARREIRA (DE FORMA INDEPENDENTE)		
Concepto	Maiores de 18 años en xeral	Personas desempregadas, +65 anos ou Carné Xove
Cota	3,00 €	2,00 €
Chip refugable	2,00 €	1,00€
Total	5,00 € / carreira	3,00 € / carreira

Inscrición e chip para menores GRATUÍTA

COTA:

Para as categorías Sub 20, Sub 23, Sénior, Máster 1, 2, 3, 4, 5, 6 e 7:

A cota de inscrición para participar no **Circuíto** será de **12,00 €**. As persoas desempregadas, +65 anos ou con Carné Xove terán un **desconto de 5€**. Para acreditar estas circunstancias abondará cunha declaración

responsable, que se entenderá feita marcando no formulario de inscrición esta opción. Todo iso sen prexuízo de que o Concello poida facer comprobacións aleatorias *a posteriori* sobre a veracidade delas.

Ademais, para atletas que opten por inscribirse **individualmente nunha carreira** a cota será de **5,00 €**. Para as persoas desempregadas, +65 anos ou con Carné Xove o custo da carreira individual será de **3,00 €**.

En todo o caso haberá que sumarlle a cantidade correspondente ao chip, fóra de quen teña o chip en propiedade.

Para as categorías Sub 18, Sub 16, Sub 14, Sub 12, Sub 10 e Peques:

Para estas categorías, a **inscrición** no Circuito, así como a de cada carreira individual, será gratuíta.

Para Equipos Mixtos:

Os Equipos Mixtos que presenten novos participantes (que non participasen na edición anterior) terán **un 50% de devolución** da cota de inscrición de cada novo participante.

CHIP:

É obrigatorio dispoñer de chip para participar, acceder ao sistema de cronometraxe e figurar nas clasificacións, podendo elixir entre as seguintes opcións:

- **Merca o chip:** Os/as participantes maiores de 18 anos que se inscriban no Circuito de Carreiras, poderán adquirir o chip por un importe de **12,00 €**.
 - a) Unha vez finalizado o Circuito, quen compre o chip para o Circuito Coruña Corre e o devolva, recibirá un aboamento de **5,00 €**, no mesmo número de conta desde o que se efectuou o ingreso.
 - b) O prazo para a devolución de chips finalizará 2 semanas despois da última carreira do ano e o prazo do aboamento finalizará 3 semanas despois da última carreira do ano, XI Carreira Popular Novo Mesoiro que se celebrará o 27 de novembro de 2022.
 - c) A perda do chip obrigará á adquisición dun novo ou ao uso de chip refugable. Todo iso sen dereito a bonificación
- **Uso de chip refugable** (de uso exclusivo para cada unha das carreiras. Non é necesaria a fianza). Para participantes que non queiran mercar o chip para todo o circuito, poderán dispoñer de un para cada carreira que conforma o Circuito, cun prezo de **2,00 €** cada un. No caso de que a persoa participante sexa maior de 65 anos, beneficiaria do Carné Xove ou estea en situación de desemprego o prezo do alugueiro será de **1,00 €**
- **Ser propietario/a de un chip.**

É obrigatorio o uso de chip para participar. Ademais permite puntuar no circuito, obter o tempo da carreira e a clasificación.

No caso dos menores, dispoñerán dun chip verde que deberán utilizar durante todo o circuito. Deberán alugar devandito chip durante o proceso de inscrición por un importe de 5,00 €. Este importe será

reintegrado ao finalizar o circuíto, previa devolución do chip, que deberán realizar ao finalizar a última proba do circuíto (a XI Carrera Popular Novo Mesoiro).

O chip, en propiedade ou alugado para todo o circuíto, ten que ir correctamente atado nos cordóns das zapatillas ou cunha banda á altura do nocello.

Os chips refugables para cada unha das carreiras irán incorporados ao propio dorsal.

Art.6. DORSAIS

A inscrición ou, no seu caso, confirmación de participación en cada carreira dará dereito a un dorsal.

Para a retirada do dorsal, todas as persoas participantes deberán acreditar a súa identidade á hora de recoller o dorsal e, no seu caso, o chip, con calquera dos seguintes documentos oficiais:

- Federados/as: poderá recoller os dorsais un/a representante da entidade deportiva que conte con autorización.
- Maiores de 14 anos: DNI ou outro documento oficial, ou licenza federativa.
- Menores de 14 anos: DNI ou libro de familia, e DNI do pai/nai/titor/a.

As inscricións ao Circuíto dispoñerán dun “dorsal único”, que é necesario conservar para todas as carreiras.

No caso de participar en carreiras individuais, o dorsal será particular e exclusivo para cada unha das 7 carreiras que integran o circuíto. Cada dorsal levará impreso un código QR, único e personalizado para cada atleta, co que ao finalizar cada carreira cada participante poderá acceder aos seus tempos.

Facilitarase información detallada para cada unha das carreiras, das datas, lugares e horarios para a recollida dos seus correspondentes dorsais e chips para as persoas participantes non rexistradas no circuíto.

DESCUALIFICACIÓNS E RECLAMACIÓNS

Art. 7. DESCUALIFICACIÓNS

A descualificación de un/unha atleta na proba supón, ademais de non optar aos premios, a non puntuación no circuíto na devandita proba, tanto individual como do equipo. Pode ser polos seguintes motivos:

- Deterioración física. Nestes casos a decisión será tomada pola Organización da proba a pedimento dos servizos médicos da carreira, e a súa decisión será inapelable.
- Non levar o dorsal perfectamente colocado en toda a súa extensión (no peito durante todo o percorrido) ata a súa entrada a meta.
- Non atender as indicacións da Organización ou xuíces/xuízas.
- Entrar fóra do horario de control previamente establecido, ou non realizar o percorrido completo.

- Non inscribirse na proba e participar na mesma con ou sen chip.
- Correr co dorsal ou chip doutra persoa. Ou con máis dun chip ademais do propio. Serán descalificadas as persoas implicadas.
- Os/as atletas federados/as non poderán competir con outro club que non sexa o que figure na súa licenza correspondente. No caso de que se producise esta situación, o/a atleta será descalificado/a automaticamente.
- Por condutas antideportivas ou contra o medio ambiente.
- Realizar a inscrición alterando os datos de forma maliciosa.
- Equipos familiares e mixtos: Aqueles equipos cuxos atletas vulneren as presentes disposicións regulamentarias, poderán ser expulsados do Circuito, coa retirada de premios e puntuacións que obtivesen.

Art. 8. RECLAMACIÓNS

Establécese un prazo de 5 días hábiles a partir da celebración da proba, para interpoñer calquera reclamación ou denuncia. Dita reclamación efectuarase por escrito ante o Comité Organizador.

Examinada a denuncia, se o Comité Organizador o estima oportuno, darase traslado á persoa interesada, dando o prazo improrrogable de 5 días hábiles seguintes á recepción, para que esta conteste ao devandito trámite de alegacións, achegando cantas probas considere oportunas.

Transcorrido devandito prazo, con ou sen presentación de alegacións, o Comité Organizador propondrá unha resolución.

O Comité Organizador resérvase o dereito de actuar de oficio cando concorran causas excepcionais que o aconsellen, resultando o trámite igual que para as reclamacións ou sancións.

CLASIFICACIÓNS E PREMIOS

Art. 9. CLASIFICACIÓN DO CIRCUÍTO

As clasificacións do circuítio e os seus premios serán para as persoas inscritas especificamente no Circuito. As persoas que participen en todas as carreiras, mais que non figuren inscritas no Circuito Coruña Corre, non formarán parte da clasificación de devandito Circuito.

Establécense as seguintes clasificacións ao finalizar o Circuito:

INDIVIDUAIS:

- Por categoría -maiores e menores - (feminina e masculina)
- Absoluta (feminina e masculina)

- Persoas con Discapacidade (feminina e masculina)

COLECTIVAS:

Equipos Mixtos

- Familias
- Centros Educativos ata Sub14 (volumen de participantes por centro).
- Centros Educativos Sub16 e Sub18 (volumen de equipos mixtos por centro).

CLASIFICACIÓN INDIVIDUAIS:

A puntuación de atletas de **categorías Sub 20, Sub 23, Sénior, Máster 1, 2, 3, 4, 5, 6 e 7**, corresponderase co **posto de chegada na clasificación xeral absoluta**, sempre que a carreira transcorra de maneira conxunta, se non fose así, terase en conta a clasificación de cada carreira.

A puntuación de atletas de **categorías Sub 18, Sub 16, Sub 14, Sub 12, Sub 10** corresponderase co posto de chegada na clasificación de cada categoría.

Para entrar na clasificación final do Circuito será obrigatorio rematar 5 das probas e, en caso de finalizar máis probas, descartaranse automaticamente os peores resultados.

A persoa vencedora de cada categoría será aquela con menor suma de puntos, e en caso de empate teranse en conta:

- a) número de probas finalizadas.
- b) maior número de mellores postos.
- c) A maior distancia en quilómetros percorridos.
- d) En caso de empate xerado polos puntos anteriores, para o desempate terase en conta o posto da última carreira.

Clasificación para Persoas con Discapacidade:

Participarán todas as persoas con discapacidade rexistradas como tal no Circuito, nas modalidades propias definidas no art.3, cunha clasificación propia.

Clasificación para Persoas con Discapacidade:

Participarán todas as persoas con discapacidade rexistradas como tal no Circuito, nas modalidades propias definidas no art.3, cunha clasificación propia.

CLASIFICACIÓN COLECTIVAS:

Clasificación Equipos Mixtos:

Para que un equipo mixto puntúe nunha carreira, será preciso que finalicen a carreira polo menos tres atletas do equipo. A puntuación do equipo nesa carreira será o resultado de sumar os puntos alcanzados polos seus tres mellores integrantes, en cada unha das súas categorías de idade e xénero.

Para que o equipo mixto puntúe na clasificación final do circuío será necesario que o equipo teña puntuado en **5 carreiras como mínimo**. En caso de participar en máis probas, computaranse os **5 mellores resultados**.

O vencedor da clasificación de equipos mixtos será o que teña menor suma de puntos, e en caso de empate teranse en conta:

- a) número de probas finalizadas
- b) maior número de participacións individuais nas carreiras
- c) maior número de mellores postos

Clasificación Familiar:

Para que un equipo familiar puntúe nunha proba, será preciso que finalicen a proba polo menos dous atletas da unidade familiar, independentemente do sexo ou da categoría.

Na clasificación familiar, cada integrante do equipo obterá os mesmos puntos que o posto na clasificación por categorías, coa excepción de Peques, que restarán 1 punto por cada participación.

Procederese como indica no exemplo: Equipo familiar formado por home sénior, muller sénior e 1 peque: un 3º na súa categoría; un 21º na categoría na que participe $(3+21)/2=12$, restamos o punto do Peque e temos 11 puntos que suma o equipo.

Para entrar na clasificación final do Circuíto cada equipo familiar debe finalizar **5 probas**, computando en todo caso os **5 mellores resultados**.

O equipo vencedor da clasificación familiar será o equipo con menor suma de puntos, e en caso de empates teranse en conta:

- a) número de probas finalizadas
- b) maior número de participacións individuais nas carreiras
- c) maior número de mellores postos
- d) Equipos mixtos ou femininos sobre equipos masculinos

Clasificación participativa para centros educativos ata Sub14

Para a puntuación por centros educativos, terase en conta a participación dos/as menores que na súa inscrición indicasen o centro no que actualmente están matriculados/as.

Trátase dunha clasificación basicamente participativa, na que cada atleta sumará un punto para o seu centro con cada participación. Os/as alumnos/as rexistrados/as que participen nesta categoría, puntuarán tamén como individuais no club ao que pertencen, categoría individual e/ou equipo.

Para entrar na clasificación final do Circuíto cada centro educativo deberá finalizar 5 probas aínda que puntuarán as 7 que integran o circuío.

Clasificación equipos mixtos para centros educativos de Sub16 e Sub18

Para a puntuación por equipos mixtos de centros educativos de 3º e 4º da ESO, bacharelato e FP, terase en conta a participación dos/as menores que na súa inscrición indicasen o centro e o equipo mixto dese centro no que actualmente están matriculados/as.

Por unha banda teremos unha clasificación basicamente participativa, na que cada equipo mixto sumará un punto para o seu centro con cada participación, para o que será preciso que finalicen a carreira polo menos tres atletas do equipo. Os/as alumnos/as rexistrados/as que participen nesta categoría, puntuarán tamén como individuais no club ao que pertencen, categoría individual e/ou equipo.

Para entrar na clasificación final do Circuito cada centro educativo deberá finalizar 5 probas aínda que puntuarán as 7 que integran o circuito.

Por outra banda, os equipos mixtos Sub16 e Sub18 dos centros educativos participarán na Clasificación de Equipos Mixtos.

Art.10. PREMIOS

PREMIOS PARA CADA CARREIRA

- As tres primeiras persoas clasificadas en cada carreira das categorías Sub 10, Sub 12, Sub 14, Sub 16, Sub 18, Sub 20, Sub 23, Sénior, Máster 1, 2, 3, 4, 5, 6 e 7 e modalidades de Discapacidade recibirán unha medalla no podio da entrega de premios.
- Na categoría Peques, entregarase unha medalla de participación a todas as persoas participantes ao chegar a meta. Non subirán ao podio.
- Anunciarase por megafonía a localización e o momento no que as clasificacións de cada carreira estean dispoñibles para o público.
- As persoas premiadas deberán situarse na zona próxima da entrega cando se anuncie por megafonía o seu inicio, ademais de estar pendentes do momento en que cada categoría sexa reclamada para a dita entrega.
- Poderán subir ao podio, única e exclusivamente, as persoas premiadas.
- Agradecemos ás persoas responsables dos clubs que teñan constancia de que o/a atleta non está presente, que avisen da falta na zona da entrega de premios, para evitar esperas innecesarias.
- Con carácter xeral, quen non se presente á recollida do seu premio no momento da entrega, perderá o dereito a recollelo.
- Quen poida alegar unha causa xustificada pola súa ausencia no momento da entrega, deberán contactar co Servizo Municipal de Deportes no prazo máximo de 15 días, onde se custodiarán os trofeos non recollidos.

PREMIOS CIRCUÍTO

Con independencia dos trofeos e premios que a organización estableza para cada unha das carreiras integrantes do Circuito, celebrarase unha gala de entrega de premios do Circuito na que se entregarán os trofeos correspondentes, e cantos premios e agasallos correspondan; para iso fixarase unha data e lugar, do que se informará a través da web www.coruna/correraspopulares ou no correo electrónico facilitado no momento da inscrición.

Trofeos na gala: Entregarase un **trofeo ás tres primeiras persoas clasificadas de todas as categorías, excepto a categoría Peques:**

INDIVIDUAIS:

- Por categoría –maiores e menores - (feminina e masculina)
- Absoluta (feminina e masculina)
- Persoas con Discapacidade (feminina e masculina)

COLECTIVAS:

- Equipos Mixtos
- Familias
- Centros Educativos: Infantil, Primaria e 1º e 2º da ESO - Sub14 (participativa), 3º e 4º da ESO, Bacharelato e FP – Sub16 e Sub18 (Equipos mixtos participativa, e equipos mixtos competitiva).

Premios especiais: A organización poderá establecer tantos premios especiais como considere. Para iso contactará coas persoas destinatarias dos devanditos premios con antelación.

CONDICIÓN XERAIS, PUBLICIDADE E INFORMACIÓN

Art. 11 CONDICIÓN XERAIS

- A organización resérvase a potestade de cambiar os percorridos definidos, probas convocadas ou propor a modificación das bases, circunstancias que serán comunicadas ás persoas participantes coa suficiente antelación.
- A inscrición no Circuito de Carreiras Populares “Coruña Corre” non supón ningún dereito nin privilexio respecto ás condicións esixidas na convocatoria de cada unha das probas, polo que cada participante terá que atermos e aceptar as bases que regulen as competicións de cada unha das probas que o integran.
- Todas as persoas participantes rexistradas e, no caso de menores de idade, o seu pai/nai/titor/a, declaran que son certos os datos achegados. No caso que se detecte falsidade nos devanditos datos o/a participante causará baixa sen dereito a devolución do prezo aboadado.

- Coa inscrición, toda persoa participante, e no seu caso quen ostente a garda e custodia e a súa tutela, fai constar que non padece ningunha enfermidade que lle incapacite para a práctica da carreira e que para este efecto realizou o oportuno recoñecemento médico.
- Todas as persoas participantes no Circuito, polo feito de participar nunha carreira que o conforme, aceptan as presentes bases e a de cada unha das probas, formalizando a inscrición con todos os dereitos e obrigas que lle corresponden. Esta condición é de idéntico cumprimento para quen se inscriba a carreiras de forma illada.
- Respecto a cada carreira, a organización publicará un anexo correspondente, con toda a información concreta da mesma (horarios, distancias, entrega de dorsais e chips, servizos complementarios: gardarroupa, duchas etc.). Poderán establecerse tempos de corte nas carreiras do circuito que serán indicados especificamente.
- Unha vez comezado o Circuito, non poderán realizarse cambios nos equipos, tendo o/a atleta que terminar o Circuito co equipo elixido na súa inscrición.
- Nestas carreiras pedestres; aínda que non son marchas paseo un/unha atleta pode camiñar para recuperarse e continuar a súa carreira, mais se algunha persoa participante vai camiñando de forma continuada, de tal xeito que poña en perigo a seguridade da proba, será retirada dela.
- As persoas participantes que, durante o transcurso dunha proba, circulen fóra do espazo delimitado polos vehículos de sinalización de inicio e fin da carreira, consideraranse para todos os efectos usuarios normais da vía.
- En canto ao servizo de avituallamiento, a organización asegurará a existencia de auga ou outros líquidos apropiados para a práctica deportiva, para todas as categorías, que estará situado nun lugar visible despois da meta.
- Os/as atletas que estean sancionados/as por dopaxe, non poderán optar a trofeos, agasallos, nin a clasificación en ningunha das probas que compoñen o Circuito, nin á clasificación final do Circuito.
- O Servizo Municipal de Deportes resérvase a facultade de interpretar e valorar as circunstancias concorrentes en cada caso.
- Estas carreiras están suxeitas ao Real Decreto 1428/2003 de 21 Novembro publicado no BOE nº 306 do 23 de Decembro do 2003 sobre a ocupación da vía pública (modificado o 17/03/2021), e Real Decreto 849/1993 do 4 de Xuño do 2003, sobre a contratación do seguro de responsabilidade civil e de accidentes, incluídos os seguros obrigatorios deportivos.
- Todas as carreiras estarán subscritas ao seguro de responsabilidade civil do Concello da Coruña, regulado por Real Decreto 1507/2008 de 12 Setembro (última actualización publicada o 24/11/2009), para todos os vehículos municipais que interveñan no circuito segundo a Disposición Adicional segunda e demais normativa de aplicación.
- Todo o non reflectido no presente regulamento rexerase polas normas da FGA, RFEA e IAAF.

Art. 12. PUBLICIDADE E INFORMACIÓN

Toda a publicidade e información oficial relativa ao Circuito, así como inscricións e clasificacións estará dispoñible na web: www.coruna.gal/carreraspopulares. A organización non se responsabiliza da información que poida existir en calquera outra web.

Mediante a inscrición, o/a corredor/a consente expresamente que os seus datos sexan utilizados polo Concello da Coruña para comunicacións sobre as súas actividades.

De conformidade co establecido no artigo 5 da Lei Orgánica 15/1999 os datos de carácter persoal declarados pasarán a formar parte do ficheiro denominado INSTALACIÓNS DEPORTIVAS, do que o responsable do tratamento será o Concello da Coruña, dos que as finalidades e usos previstos serán os seguintes: xestión centralizada das instalacións deportivas municipais, das actividades impartidas nas mesmas e do uso de instalacións.

Toda persoa participante, ao realizar a inscrición acepta a publicación do seu nome e imaxe nas clasificacións, medios de comunicación e/ou internet, autorizando a toma de imaxes co fin de utilízalas para a promoción e difusión das devanditas actividades, así como a utilización do móbil e correo electrónico como forma de aviso e comunicación por parte do Servizo Municipal de Deportes. Os dereitos de acceso, rectificación, cancelación e oposición aos datos persoais rexistrados neste ficheiro poderanse exercer ante o Rexistro Xeral do Concello da Coruña (praza de María Pita, 1) nos termos establecidos nos artigos 15, 16 e 17 da devandita Lei Orgánica.

Art. 13. CORUÑA CORRE E COVID19

A organización da carreira cumprirá en todo momento coas recomendacións establecidas para eventos e actividades deportivas no contexto da nova normalidade provocada pola COVID-19, partindo do protocolo FÍSICOVID–DXT GALEGO da Federación Galega de Atletismo, certificado pola Secretaría Xeral para o Deporte, e en función da evolución da pandemia estará sometida, en todo caso, ao cumprimento das normas de prevención da COVID19.

Este regulamento poderá modificarse seguindo as indicacións das autoridades e/ou organismos competentes en materia sanitaria e deportiva, quedando a expensas da situación sanitaria vixente na data da celebración de cada proba.

A persoa rexistrada ao circuito ou a cada carreira comprométese a aceptar que leu, entendeu e aceptou o cumprimento do protocolo de prevención da Covid-19 de cada proba, colaborando en todo o posible coa Organización.

ANEXO I. ALMANAQUE DE CARREIRAS 2022

CARREIRA	DATA
VI CARREIRA POPULAR MATOGRANDE	23/01/2022
XI CARREIRA POPULAR TORRE DE HÉRCULES. #QUERÉMONOS VIVAS	26/03/2022
XIV BAIXADA POPULAR DE CROSS SAN PEDRO DE VISMA	08/05/2022
X CARREIRA POPULAR OS ROSALES	22/05/2022
X CARREIRA POPULAR VOLTA A OZA	11/09/2022
IX CARREIRA POPULAR VENTORRILLO	23/10/2022
XI CARREIRA POPULAR NOVO MESOIRO	27/11/2022